

7.  
Q.F.F.Q.S.

DE

# RITUE EXCOM- MUNICATIONIS INTRA ET EXTRA ECCLESIAM,

Dissertatio Philologica  
QUAM

Permissu Amplissimæ Fa-  
cult. Philosoph. in Regia Aca-  
demia Aboënsi,

PRÆSIDE

VIRO PRÆCLARISSIMO  
DN.M. JOH. BERENH.

MÜNSTER

Phil. Pract. & Hist. Prof. Ord.

*Placido bonorum submittit examini*

ANDREAS SANDEL,

In Auditorio Maximo Anno 1699.

*J. v. Seeneb.*

HOLMIÆ, ex Officina Olai Enæi.

29. H. 9.

DE

SITUATIONE  
MUNICAGIONI  
INTRA ET EXTRA  
ECCLESIA

Dilectione Philologica  
GAL

Gloria Ambitum Es-  
cute Philologi. in Regis Acc-  
demis Apogeu

PRESID

NRO PRACTICARUM  
C. M. J. H. BRENIH

29. 6. 2000

Phil. Pet. & His Proj. Of

Phil. Pet. & His Proj. Of

ANDREAS SAMDE


II Andrius Maximiano Apud Iude

10. 11. 1600

HOLMIÆ ex Officina G. F. Fueri



## THES. I.



On perperam  
nec abs re me fa-  
cturum arbitror, si  
juxta plerisq; rece-  
ptam methodum,  
atque secundum il-  
lud Epicteti : αρχὴ  
παιδεύσεως ή γῶν ονο-  
μάτων ἐπίσκεψις ἔστι, circa vocis evolutio-  
nem paucis morer. Quod tamen ita in re  
plana faciemus, ut statim ad propositum  
seu rem ipsam properemus. Excommuni-  
cationis vocabulum quantum mihi con-  
stat, Latio olim ignotum fuit, tametsi rei i-  
psiis quæ voci huic subjicitur, quædam non  
obscura indidem deprehendamus vestigia.  
Qui tersius aliquanto ex mediæ ætatis scri-  
ptoribus loqui amaverunt, ii sc̄pius extra  
communionem facere, à communione  
suspendere dixerunt. Videatur Sulp. sev.  
l. 2. Hist. Sacr. Castigatissimæ latinitatis scri-  
ptores idem dicere videntur, quoties fa-

cris interdicere alicui voluerunt, & illud  
*procul est Profani*, ingeminant. Solet etiam  
 hæc excommunicatio accipi pro exiliī spe-  
 cie, quæ alias proscriptio dicitur qua o-  
 mnia humanitatis jura & vicissitudines offi-  
 ciorum interdicebantur, seu judicialis cen-  
 sura erat, qua violatoribus pacis publicæ,  
 aqua & igni interdicebatur, ut his subsidiis,  
 quibus vita humana contineatur, destituti,  
 in alias terras migrare, cogerentur quod  
 etiam Ovid l. 4. fast. indicat.

*An quod in his vitæ causa est, hæc perdidit  
 exul*

*His nova sit conjunx, hæc duo magna putant.*

In cuius locum deportationem substitutam  
 affirmant jure consulti, ut colligere est ex l.  
 3. ff. ad leg. lul. Pecul. & à Speidelio p. m. 105.  
 Dicitur etiam hæc excommunicatio alias  
 Bannum, cuius vocis varias derivationes  
 cui voluere fuerit scire, potest adire dictum  
 Speidelium p. 105. &c. Græcis quoque ean-  
 dem hanc consuetudinem in usu fuisse con-  
 stare potest vel ex Svetonio qui l. 6. de Ne-  
 rone refert, eum quo tempore in Græcia  
 peregrinabatur Eleusinis sacris, quorum  
 imitatione impii & scelerati, præconis vo-  
 ce submovebantur, interesse haudqua-  
 quam ausum fuisse. Huc spectant græco-  
 rum

rum μεμυημένοις ἐάμυητοις; Etsi hunc initiationis ritum in quibusdam latius patere crediderim quippe cum non ad sacra stricte proprieq; sic dicta, sed etiam ad scholas & ea veterū ἀκροατηρία, quæ Philosophorū vocibus crebro personabant, pertinuisse videatur. Hinc bipartita illa methodus fluxit ἐξαγερική ἐάκροαμαλική, de qua sciunt, qui vel leviter in Pythagoræorum dogmatibus sunt μεμυημένοι.

## Thes. 2.

Ceterum ut adhuc in excommunicatio-  
nis notionem intimam altius penetremus,  
lucem ei ex oppositis quoque accendamus.  
Ἐνάντια γὰρ παράλληλα μάζαν Φαίνεται.  
Ad melius itaque intelligendam excom-  
municationis naturam conducere videtur,  
si quid κοινωνία sit in sacris, spectamus. Hoc  
vero illustrari quodammodo potest ex ea,  
quam in civilibus κοινωνίας vocabulum ob-  
tinet, significatione. Ubi iurium civitatis  
æqualem quandam inter cives participa-  
tionem hac voce designari satis constat,  
vid. Bœcl. Inst. Pol. I. I. c. I. Ab hac itaque  
ut dicere cæpimus non multum ab ludere  
sacrorum communio videtur, quam eo-  
rundem templorum rituum ceterorumq;  
eodem pertinentium rerum æquali usu ac  
fruitione constare arbitramur. Esse hanc

sacrorum *nosvavias* firmam satis ac validam  
 ad hominum animos conglutinandos & in  
 concordia retinendos, plurimis scriptorum  
 locis demonstrari posset, si commentatio-  
 ni libera indulgeremus. Nunc id tantum  
 obseruetur, quod apud Livium exstat de  
 Annibale, cunctis miraculo fuisse, tot gen-  
 tes, nationes, populos, linguis, sacris institutis  
 diversos ea animorum concordia sub moderami-  
 ne ipsius vixisse, quae optari facilius, quam  
 sperari in tanta rerum omnium disforantia  
 solet. Diligenter autem notandum est, mul-  
 tum inter se discrepare ab alterius gentis sa-  
 cris submoveri & suorum sacrorum com-  
 munione expelli. Quamquam enim respe-  
 ctu eorum, à quorum sacris excluduntur  
 excommunicati quoque illi quodammodo  
 dici possunt, qui à peregrinis arcentur; ma-  
 gis tamen proprie excommunicari dicun-  
 tur ii, quos scelus probrumque in se admis-  
 sum velut putrida aut certe contactu noci-  
 va membra, extra illam, qua antea conti-  
 nebantur, consociationem exegit atque  
 proturbavit. Sic etsi Romani olim pere-  
 grinam disciplinam sacrificandi, sacraque  
 externa cum sacrificulis vatibusq; foro,  
 Circo, urbe prohiberent, memorante Li-  
 vio l. 39. c. 16. proprie tamen stricteq; lo-  
 quendo, qui arcebantur, excommunicatos  
 vix

vix nuncuparim. Quemadmodum nec illos, quos Judæorum ratio ab sacrī suis cohibuit ac repressit. Quorum institutum cum carpit Juvenalis Satyr. XIV. his verbis

*Non monstrare vias eadem nisi sacra colenti*

*Quæsitum ad fontem solos deducere verpos*  
 respexisse videtur nimium ejus gentis rigorem etiam circa illa quæ innoxiae utilitatis adeoque cui vis, modo solam humanitatis notam afferat, præstanda esse juris naturalis consulti censem. **Qua** in re licet salibus non prorsus intempestivis utatur, Judæorum tamen instituti rationem non penitus perdidisse aut perdere voluisse existimandus est: Nobis enim constat gravissima Divinæ legis comminationibus ab extenorū commerciis populum hunc fuisse retractum vid. Lev. 18. 3. & 20. 23. sed nec sic quidem omnem illam satyricam notam sibi facile eluent homines præposteri etiam ex salvatoris ipsius approbatione διύλιζοντες τὸν κάνωπα, τὴνδὲ κάμηλον καλαπίνοντες Matth. 23. 24. Christianos quoque olim ab Ethnicis à sacrī ipsorum fuisse remotos vel ex illa προσερῆσει constare potest, qua profani ab inspectione mysteriorum hunc in modum arcebantur εἰ τὶς ἀθεότης χριστιὰνος ἐπεχθρὸς ἦκει καλάσκωπος τῶν αὐγῶν Φέυγειν.

Non

Non tamen propter hanc exclusionem  
qua à communione sacrorum profanorum  
ad quam, quatenus Christiani, neutiquam  
adspirabant, segregabantur, Christianos,  
ullo modo excommunicatos perhibendos  
judicamus.

## Thes. 3.

Patet hinc excommunicationis vocabu-  
lum propriè ad eos pertinere, qui ab ejus  
cætus ac corporis sacris, cui alias civili vin-  
culo adjunguntur, ob scelus aliquod sive  
verum sive *Φανόμενον* separantur exclu-  
dunturque. Quo ipso haud sciam an ad  
hunc excommunicationis sensum strictius  
sumtum referri queat prima parentum  
nostrorum expulsio. Nam ut admissum  
facinus ceteraque omnia hic facile depre-  
henderim, cætum tamen, à cuius sacrorum  
communione divellebantur, adhuc deside-  
ro, nisi quis impietati Peirerii gratificandū  
opinetur, ut præadamitas ex orco revoce-  
mus. Interim quominus hoc exemplum  
ritui excommunicationis quadantenus  
prælusisse statuamus, obstante nihil videtur.  
Propius huc spectare videtur exilium Cai-  
no irrogatum cum cæde fraterna manus  
pronuper inquinasset. Sunt ~~enī~~ nonnulli  
ex Theologis qui verba illa Geneseos 4. v.

14. & 16. de expulsione Ecclesiastica seu Ex-  
 communicatione præcipue exaudienda  
 arbitrantur. Qua de re consulatur Phe-  
 ferus in vexatis. Evidem cum ob desig-  
 natum parricidium tum pro cetera sua  
 impietate, qua memoriam sui non nisi in-  
 famem posteris reliquit, haud indignus  
 fuit, in quem Ecclesiæ disciplina censorum  
 hoc telum primum vibraret. Exserta ta-  
 men magis est illa gravissima Numinis  
 comminatio, quæ habetur Gen. 17. v. 14.  
 ubi denuntiat ipse Deus è numero cætuq;  
 sui populi excisurum se, qui cùmq; præpu-  
 tii deponendi negligens, contumacia non  
 obsequio debito ad divina jussa responde-  
 ret. Neque attinet objicere, eos non Ec-  
 clesiæ ligantis censure, sed Dei ipsius ab  
 Ecclesiæ limine fuisse sequestratos. Nam  
 hic πρώτον judicandum omnino videtur, ob  
 impium conseleratumque animum ab  
 eo, cui jus istoc competit à numero gregis  
 Divini tantisper removeri atque excludi,  
 donec Saniora pati consilia mens incipiat.  
 De cetero, sive censura hæc ab eo exer-  
 tur, cui jus hoc primario ac radicaliter  
 competit, sive ab eo, qui participati tantum  
 juris agit, parum interesse existimamus.  
 Postiores vero Judæi hunc fere ordinem  
 secuti sunt, ut qui leviora commisit pecca-  
 ta,

ta, utpote Rabinum Mágistrum aut Doctorem contempsit, vel proximum suum vocavit servum, vel verba Rabinorum spreuit, & cetera quæ Leusten in de pœn. Eccl. enumerat, separaretur ad distantiam 4 Cubitorum à societate uxoris aliorumque per 30 dies, sed si resipiscientiam non ageret duplicabatur & triplicabatur pœna, quæ species excommunicationis fere respondet prohibitioni in Ecclesiis nostris, qua membris Ecclesiæ interdicitur S. Cæna. Erat præterea talis מנוֹרָה aspectu fædus, cum nec tondere nec lavare se licuerit. Si tempore hocce moriebatur, lapidabant tumulum ejus, ad indicandum quod fuerit lapidatione dignus, & hæc species excommunicationis dicebatur נַהֲוָה. Qui vero majoribus se miscuit peccatis ejiciebatur è Synagoga cum maledictionibus & diris, ubi tamen Leusten affirmat his licuisse templum & Synagogam quidem intrare, sed per sinistram viam, & hanc excommunicationem videtur Deus intelligere Gen. 17. 14. *Qui non circumciditur, excindetur è populis suis*, quæ verba, postquam variam à variis significationem traditam enumeravit, sic exponit, quod talis & in hac vita & post hanc, si modo non resipiscat, è cætu sanctorum excludetur. Formulam, quæ talis αποστυράγωγος

excommunicabatur, cui volupe est scire, adeat dictum Leusten, quam nos brevitati litantes reliquimus & hæc species excommunicationis dicebatur חרם. Si vero peccator post omnia humana media totaliter & finaliter non resipisceret, destinabatur soli judicio Divino, ut eo periret, nec amplius ad Ecclesiam rediret, qua specie excommunicationis videtur Alexander Faber Ærarius 2. Tim. 4. 14. affectus, & hanc speciem excommunicationis שפט נחמה vocabant.

## Thes. 4.

Breviter hic ritu excommunicandi apud hebræos delibato, ulterius progredimur ad Ecclesiam primitivam, cuius omnium primam censuram Ecclesiasticam cum inspicimus, invenimus illam conjunctam fuisse cum corporali & quidem extraordinaria aliqua castigatione, quemadmodum Apostolo Petro Ananiam & illius uxorem ob manifestum mendacium, subita morte interficiendi potestas fuit, Act. 5. sic etiam Elymas lumine oculorum ab Apostolo Paulo privatus est, quod Evangelio restitit. Causa autem horum donorum extraordinariorum in Apostolis fuit defectus Civilis Magistratus, quo tempore Ecclesia N. T. privata erat, quare dedit

Christus Apostolis hanc potestatem extra-  
ordinariam, ut Ecclesiæ decreta & consti-  
tutiones, contra omnes suos hostes & trans-  
gressores rata forent. Quamdiu autem hæc  
vis extraordinaria mansit incertum est. Cæ-  
tu vero Ecclesiæ congregato & aucto, erat  
excommunicatio communissimum suppli-  
cii genus, quo transgressor ab Ecclesia se-  
questrabatur, usq; dum pœnitentiā agebat.  
Hæc excommunicatio variis à variis au-  
ctoribus, nominibus efferebatur, quemad-  
modum Cyprianus variis in locis, voce ab-  
stineri utitur. Sic etiam Græci ἀΦορίζασθαι,  
quod tales transgressores à communione  
piorum separabantur; sic etiam εκκόπτεσθαι  
ῆς κοινωνίας πανταπάσιν, ac εἰπτεσθαι εκῆς  
εκκλησίας dicebantur. Si peccator fue-  
rit Sacri ordinis, tum ab officio remo-  
vebatur & si vel postea pœnitentiam  
egisset, nunquam priori officio fungi il-  
li permisum erat, sed in numerum  
Laicorum referebatur. Sic cum Cornelius  
Episcopus Romanus narraret Fabio Epi-  
scopo Antiocheno de ordinatione Hereti-  
ca Novatiani, dicit Eusebius Hist. Eccles.  
l. 6. c. 43. *Ex illis (sc. Episcopis) unus pau-  
lo post ad Ecclesiam rediit, peccatum suum de-  
plorans ac confitens, quem etiam populo cuncto  
pro illo intercedente, ad laicam communionem  
recepimus.* Summus autem gradus aquil illos  
erat

erat, ut qui præfracte pœnitudinem patratorum scelerum penitus abnueret, satanæ divexandus traderetur. Cujus exstat exemplū excommunicationis apud Paulum 1. Cor. 5. 5. Qui autem hujnsmodi exsecratione à communione Ecclesiæ relegebatur, eum Græci ἀνάθεμα vocitarunt. Huic ne quidem ad templi amplius postes accedendi potestas, sine interveniente emendatione, dabatur. Funestarunt memoriam nominum suorum hujusmodi excommunicatione Hymenæus, Alexander aliquæ quorum in sacris exstat facta mentio. At rarioꝝ atque dirior aliquanto excommunicatione habebatur illa, quæ voce *maramathæ* peragebatur vid. 1. Cor. 16. qua denunciationem adventus Domini significari volunt interpretes. Qui hoc excommunicationis percellebatur fulmine, à conversatione omni cum popularibus suis excludebatur atque intestabiles prorsus ducebantur. Quotum nomina sicut è libro vitæ putabantur exsculpta eraſaque. vid. Alex. Ross. p. m. 31.

## Thes. 5.

Pertinet huc quoque lapsorum pœnitentia per certos in Ecclesia primitiva N.T. gradus ordinata dispensataq;. Primus dicebatur πρόνλαυσις ubi homicidæ aliiq; scelerati ante templi fores ab omnibus separati 4 annos stabulabantur ingredientes sup-

plice voce orantes, ut pro se intercederent atque deprecarentur. Secundus gradus *ængōas* vocabatur, ubi lapsi intra Ecclesiam quidem post cathecumenos, alias 4 annos stabant, tantum ut verbum Dei audirent, sed eo peracto, statim exire jubebantur, tanquam precibus indigni. Tertius gradus *ὑποπτῶσεως* veniebat nomine, quæ interior quædam admissio fuit, ubi iterum aliquot annos morabatur, & cum cathecumenis precibus publicis intererant. Ad clamante autem Diacono: ite cathecumeni missa est, pœnitentes simul cum cathecumenis templo efferre pedes cogebantur. Obiter autem hic de cathecumenis notandum est, neque eos ante perceptum baptismum ad Eucharistiæ mysteria admissos, atque, quoties inter concionandum mysterii hujus, iis præsentibus, fiebat mentio, toties ænigmatico & parabolico expositio-  
nis genere mysterii tanti revelationem declaratam. Quare & hi excommunicati quodammodo accenseri poterunt. Quartus gradus *σύσασ* nuncupabatur, ubi inter fi-  
deles quidem consistebant & in omnibus cum illis ejusdem erant conditionis, nec cum cathecumenis, cum missa celebraba-  
tur, exire cogebantur, sed Eucharistiæ ta-  
men participes fieri nondum poterant.

Atq;

Atque hactenus excommunicationis gradus enumerati, quin *ἐν μέρει τινὶ* ad eum quem describimus excommunicandi ritum referri possint, nihil obstare videtur. Nam *ὅτις οὐδὲ θεός οὐδὲ λαός αὐτούς αὐτούς* continebat, jure meritoq; eximendum arbitramur. vid. Stratem. Hist. Eccl. p. 398. seqq. De cathecumenis autem quod diximus ita capiendum volumus, ut non nisi impropriæ intelligantur excommunicati dici posse. Id vero ex superioribus facile intelligitur, quippe cum jam antea nominamus eos tantum *ἀκριβῶς* excommunicatos prohiberi posse, qui ab eo corpore cætuque, cui pridem jungabantur, separati divulsiq; fuere; facile ratio limitationis distinctio- nisque apparebit, in illis, qui non dum per baptismum Ecclesiæ inserti corpori erant. Ceterum ut in Ecclesia latina Abstenti, Excommunicati, Anathematisati, ita apud Græcos erant iisdem respondentes *ὑποπίπτοντες, ἀκροαμένοι, προκλαίοντες*. Peculiaris autem erat illa excommunicatio, qua Ju- dæorum natio utebatur adversus samaritanos, neque hic forte quatenus ex omissis aliquid peto, prætermittenda. Fiebat illa quadam cum solemnitate tubarum, clangorem excitantibus Levitis, priusque execrationis in eos conceptæ exemplum reci- tan-

tantibus, quod non Samaritanos modo, sed qui cum illis conversabatur una execratione involvebantur. Hoc publice deinde inter omnes tribus recitabatur, ut scirent omnes à samaritanorum sodalitiis atque familiaritate sedulo sibi cavendum abstinentemque esse.

## Thes. 6.

Ratio autem hujus severitatis exercitæ in Ecclesia Dei, haud dubie ex pœnarum indeole, ad quas excommunicatio referri debet, depromenda venit. Cum igitur secundum magnum illum Grotium l. 2. cap. 20. constet pœnas omnes ad tria hæcce referri, utilitatem ejus, qui peccavit; ejus, cuius intererat non esse peccatum; denique indistincte quorumlibet; ambigendum non est, quin itidem Ecclesiastica hæc *vnguentia* atque *κόλασις* eosdem sibi habeat propositos fines, eandem metam. Quam autem utilis sit hæc disciplinæ ratio in omni societate, prope frustraneum duco in tanta rerum luce operose differere. Nec minus in Ecclesiastico cætu, quam civili ea opus esse, quivis intelligit. Tametsi enim satis constat præsentiore cura Deum Ecclesiæ suæ sponsæque moderamen sibi in his terris adoptasse, quam aliorū cætuum societatumq; Tamen nihil obstat quominus protervia hæc

hæc ac non raro lascivies, idoneis castigationibus compesci & ad æqui justiq; habitum, quoties opus est, reduci queat, debeatque. Bene ille apud Demost.<sup>ως</sup> ὁ δέν εἰς  
 οφελοπολέως, τις μὴ νεῦρα ἐπὶ τόσοις αδικητας εχει. Quare nec Ecclesia, peculiaris Dei civitas & in qua vitæ sanctimonia, etiam ad exemplum aliarum civitatum elucere debet, disciplinæ exsors relinqui penitus debuit. Sunt autem leges nihil aliud quam præcepta meliorum morum vitæque honestioris: At hæc usum nullum obtinebunt, nisi pœnarum sanctionibus communiantur, in quibus id præcipue spectandum, ut sua magnitudine doloreque, quem incutiunt, exasperent dulcedinem ac illecebram illam peccandi, quæ ex gustu delictorum plerumque redundat. Nemo enim fere gratuito malus est; Sed aut manifestis præmis, aut spe, aut specie sane cuiusdam boni ad peccandum impellimur. Hactenus igitur intendenda castigationis acerbitas, ut ad blandam illam carnis frenemy aures nostræ velut obsurdescant. Spectat autem id ad cuiusvis societatis moderatores, quam varietatem ratio disciplinæ ex ipso temporum diverso habitu requirit atque exposcit. Est enim ubi επιθεσις quædam exigitur; Est & ubi ανεσις locum suum ha-

habet. Hæc omnia quomodo constituen-  
 da sint facile constituet, qui exemplis vitæ  
 probe instructum animum ad publicæ rei  
 tractationem adtulerit. Cum de pœnis hic  
 agamus, quatenus illæ cum in veteris tum  
 novi fœderis Ecclesia exercitæ fuere, oc-  
 currit φιλολόγοις illa quæstio, de suppli-  
 cio crucis, an scilicet illud inter Judæos or-  
 dinarie locum habuerit. Ubi tamen facile  
 videt B.L. me in hac quæstione, quæ à no-  
 stro argumento, aliquanto remotior est,  
 potius τὸ αἰχμημόνευτον, quam εὐκαιρίαν  
 spectasse. Neque enim alias crucis suppli-  
 cium ad excommunicationem quicquam  
 in specie pertineat. Sub uno interim pœ-  
 narum genere facile concordabunt. Est il-  
 la gravissimorum quorundam scriptorum  
 assertio, hocce supplicii genus, non minus  
 Judæis quam ceteris gentibus notum usur-  
 patumque fuisse. Quam in rem advocari  
 potest Baronius, Spondanus multique alii,  
 sed quum ventum est ad verum, sensus  
 moresque repugnant. Exemplis enim le-  
 ctionumque auctoritatibus adeo sententia  
 illa obruitur, parum ut sani coloris ei inef-  
 se, facile deprehendatur. Adeat, cui otium  
 est, super hac re Casaubon: in exercitationi-  
 bus ad Baron. Eexercit. 16. Sect. 77. Joh.  
 Gerhardum in Harmonia Passionis cap. 13.

Calixtum in concordia Evangelica l. 6.c. II.  
 Grot. in annotatis Evangelicis p. 208. qui  
 omnes satis luculenter docent, à Romanis,  
 Persis, Græcisque hoc excogitatum cre-  
 broque, et si cum quodam discrimine, usur-  
 patum. Nam apud Græcos & Persas, mo-  
 do diritas facinoris ~~facta~~ erat, raro perso-  
 narum hic discriminus agebatur. Apud Ro-  
 manos vero in servos peculiariter hoc sup-  
 plicii genus constitutum erat. Unde fre-  
 quens is metus servis apud Comicos ap-  
 pingitur. Apud Plautum in Milite glorio-  
 so : *servus, poli, inquit, minitari, scio crucem mi-  
     hi futuram sepulchrum, ibi majores mei siti  
     sunt, pater, avus, proavus, Abavus.* Quare  
 quod ad supplicium hoc attinet accom-  
 modatiū sospitatori nostro Christo, à spur-  
 cis impiisque Judæis, tenendum est jam du-  
 dum à gentilibus ritibus in peregrinos He-  
 bræum populum transivisse. Præcipue  
 postquam Pompei armis devictus imperii  
 Romani majestatem agnoscere atque re-  
 vereri occœperat. Et in turbonem, qualem  
 Christum cæca impiaque gens illa interpre-  
 tabatur, servile supplicium optime qua-  
 drare videbatur; plus quippe quam aliud  
 ullum ad infamiam valiturum.

Thef. 7.

Ceterum ut ad ordinem revertamur &

C

ad

ad Excommunicationem, notandum vero  
 ejus usui fœdissimum progressu tempo-  
 rum à Præstigiatoribus & divinorum insti-  
 tutorum depravatoribus abusum adjun-  
 ctum fuisse. Præcipuè infamiam suam hoc  
 flagitio adaugere voluisse videntur Ponti-  
 fices Romani, qui solis sibi Clavis ligantis  
 solventisque potestatem concessam clam-  
 tantes, motus turbasque ingentes in Eccle-  
 sia Dei sœpiissime hac re concitarunt. Mit-  
 to Victoris præcipitem audaciā, qua non  
 unum hominem sed universam orientis  
 Ecclesiam ab occidentali in controversia  
 de celebratione Paschatis dissidentem ana-  
 themate ferire haud quam verebatur.  
Quod facinus hactenus in Ecclesia inusita-  
tum, non paucis cordatis hominibus ipsiq;  
 Irenæo vehementer stomachum movit.  
 Hinc de eo Socrates lib. 5. c. 22. ἀμείρα,  
 inquit, θεομάνθεις ἀκονωνησίαν τοῖς εν τῇ  
 ἀστια ἀπέσειλε, supra modum æstuans eis, qui in  
 Asia contrarium sentiebant, sacrorum commu-  
 nionem denegabat. Primus hic fuit, qui su-  
 percilium Pontificiale nimis aperte extu-  
 lit atque ostendit; non tamen postremus.  
Quis nescit, quæ, quantaque passus sit Hen-  
 ricus IV. à Gregorio VII. cum primo exse-  
 crationis suæ mucrone percussum variè  
 per Rudolphum severum adversarium i-  
 pslī

p̄si concitatum, lacereret, mox excitato  
 adversus Patrem filio, Regalibus eundem  
 se abdicare compelleret, iterataq; fulgura-  
 tione adversus eum detonaret. Nec desunt,  
 qui memoriæ prodiderunt, tanto in optimū  
 imperatorem odio Pontificem exasper-  
 ratū fuisse, ut hostia in ignem projectā, dia-  
 bolicis artibus resciscere discuperet, quem  
 fata terminum præscripsissent vitæ impe-  
 ratoris. Adeo scilicet, ut exclamat Vellejus,  
*odium, certaminibus ortum, ultra metum*  
*durat, & ne quidem in visis deponitur, neque*  
*ante invisum esse definit, quam esse desiit.* Congruunt hæc probra ei Pontifici, qui pessi-  
 mis artibus ad eam dignitatem prorepse-  
 rat. Constanter enim traditur Brasuti co-  
 qui opera abusum ad veneno cibos infi-  
 ciendos; quo postquam conciderat Bene-  
 dictus ejus nominis Nonus, cathedram  
 Gregorius sine populi suffragio invasit.  
 Imitabantur decessorem Urbanus & Pa-  
 scalius, quare factum, ut ultra quinque an-  
 nos à morte Henrici nemo corpus ipsius  
 terræ mandare, solitisq; sepulturæ ritib; ex-  
 ornare auderet. Expertus fuit eadem tan-  
 dem Pontificum tela etiam impius ille in-  
 gratusque filius Henricus V. Quam autem  
 atrociter publicæ rei tranquillitas hujus-  
 modi Pontificum ausis consuiciata ac con-

vulsa fuit, ex eorum temporum historia, abunde agnosci poterit. Sæpe quoque inundationes trāsmigravit temerarius hic excommunicandi abusus. Quippe Gregorius Nonus postquam Fridericum II. tardius quam volebat Pontifex, ad bellum sacram profectum excommunicaverat; resecrare conceptas impie diras ante abnuit, quam centum viginti mille aurum Ecclæsiæ Romanæ persolveret. Quam pecuniarum λυσιν Imperator ne felicissima quidem expeditione declinare ac redimere apud avarum Pontificem valuit. Felix tamen utrinque Fredericus fuisset, si hactenus malum stetisset; sed ipse dum aberat, Pontifex suo fulmine, seditiosisque machinamentis effecit, ut ingens rebellio redunti imperatori quasi in ipso limine occurreret. Defecerat, præter alias regiones, universa Apuleja, non sine magnis mox cladibus ad officium redigenda. Verum post quam nimia jam insolentia ac Tyrannide Tarpejus ille Væjovis fulmen iterum adversus innocuum laudatissimumque Principem conquassarat, adeo hoc omnibus bonis, etiam ipsius Pontificis satelliti bus indignum visum, ut universam inde Italiam longe gravissima Guelphorum Gibellinorumq; factio distraxerit. Quorum

hi cæsari indigne illatam injuriam moleste ferebant: illi Pontificum Tyrannidem armis propugnare parabant: Duravitque hæc factio annos plurimos magna infinitorum hominum utriusque strage. Sic Clemens VI. Ludovicum pacis amantissimum communione suspendit. Gregorius III. in Concilio Romæ habito Leonem imperatorem Constantinopolitanum ab Ecclesiæ limine sequestravit. Cujus facti causa digna profecto est quæ in periculo imperatoris inscribatur. Scilicet ob sublatum fœdissimum ἐκανολαζεῖας abusum, & ob diu exercitam impiam εἰδωλομανιαν remotam, iurium Ecclesiæ Dei exsors factus est à pessimo sacrificulo servorumque servo, imperator optimus. Involvebat hæc cxcommunicatio etiam eos universos, qui idolatriam hanc tollere atque abolere allaborarunt. Qua de re videatur **G**ispinianus. Ab Innocentio pari licentia primum Philippus Frederici primi filius; Mox Otto Quartus fulmine adflati fuerunt. Ille quidem, quia actutum ad crepitum digitorum Pontificiis absistere imperii contentionе detrectavit: Hic quod latifundia Italica, quæ iniquus possessor Pontifex detinebat, imperio & antiquis legitimisque possessoribus asserere fuerit adgressus. Verum enimvero quid opus est ut in re con-

fessa & orbi universo notissima diutius immorer, præcipue cum etiam hodierno die fœdissima ausa sua Pontifices non plane remisere ! Evidem quo ad Imperatores adtinet, seculo huic nostro gratulandum est, quod discussa jam caligine ex profundo tenebrarum in lucem scientiæ ac veritatis emergere pars melior ac potior Europæ cæperit ; haec tenus quidem ut Pontificum fulmina hæc pro brutis & fatuis , ut re ipsa sunt, imperantium pleriq; habeant. Quod tametsi non ita seculo nostro proprium sit, quin & plurimi eadem alto animo spreverint ; haec tamen, quod vulgi animus magis sobrius se infatuari non patiatur ut ad minima illa tonitrua reverentiam Principis excutiat ; quodque nec ipsi Pontifices Imperantium majestatem tam profane tractare crudeque amplius audeant , ea nostrum temporum peculiaris , Dei beneficio, est felicitas. Alias satis constat inter eos , qui Romani Pontificis vestigia lingunt, annuatim stato tempore omnes orthodoxos tanquam intestabiles quosdam diris devoveri & obtuso illo anathematum mucrone feriri ac percelli. Ad quas tamen diras execrations nemo vere Christianus hodie cohorrescit aut magis moveretur ,

*Quam si dura filex aut stet Marpesia cautes*

Præcipue cum non obscuris sospitatoris nostri pollicitis fulciamur, futurum ut impiæ hujusmodi imprecations in auctorū capita revolvantur. Permittamus igitur illis ritu Semei convitiis suis maledictisque piorū cætus ex septicolli illa Babele quantum velint incessere: Satis gnari maledictum istud profanorum hominum murmur, postquam irrito sibilo aërem verberaverat in ipsos penitus recasurum.

Thef. 8.

Qui attentiore mentis oculo hæc omnia iuistrat & Judaicam & Primitivæ & illius quæ postmodum secuta est, excommunicationem, non accuset Ecclesiam nostram novitatis, quasi Ecclesia nostra ex puro odio vel ex cerebro pastorum, disciplinam factam exerceret, nam hæc respectu Ecclesiarum jam dictarum levissima est. Solent Ecclesiæ nostræ hanc disciplinam in illa peccata tantum exercere, quorum in Legisterio nostro suetico mentio clarè & expressè nō habetur, ideoq; tales transgressores Judicibus Politicis sistere non possunt. His primo ante oculos solent ponere illorum peccata, ad pœnitentiam admonere; si vero non resipiscant, ab usu sacræ cænæ removere. Multa & omnia adhuc placuit serenissimo nostro Regi tentare quam illos

pe-

penitus ab Ecclesiæ communione removere, ita ut juss erit illos civili poena ad poenitentiam allici. Si autem post hæc humana media, nullam poenitentiam facerent illos tandem pastor à communione non tantum Ecclesiæ; sed etiam conversationis cum hominibus præter domesticos removit ita ut si aliqui intelligerentur illorū vita & conversatione uti, etiam hi poena Ecclesiastica puniantur. Hæc saltem attigisse de Ecclesiæ nostræ excommunicatione sufficient, de cetero frustraneum sane duco in tanta luce, cum omnia hæc dillucide proponant nobis constitutiones Ecclesiasticæ capite decimo, diutius morari, ideoque ad exter os pedem promovere volumus.

## Thes. 9.

Jam antea submonuimus, non solum intra Ecclesiæ pomæria, sed etiam apud alias profanas gentes excommunicationis hunc ritum exercitatum fuisse. Scilicet cum omnibus natura instillarit summum istud Numen quod universo huic moderatur, sanctissimum ac ab omni immundicie quam maxime remotum esse; colligere obvium erat etiam hujusmodi esse eos oportere, qui ipsum propitium faventemque sibi habere exoptarent. Hinc eleganter Seneca & prorsus ad mentem sacra-

rum literarum. Nec victimis, inquit, licet optimæ sint auroq; præfulgeant, Deorum est bonus; Sed pia ac recta voluntate venerantium l. i. de Benef c. 6. Apud Hieroclem versus sub Dei ipsius persona ita habet

(πω  
Ἐυτεβέεστ βροτῶν γανυματίσον ὀσσον ἐλύμ-

Piis hominibus magis delector, quam ipso celo.  
Hinc Tibull. lib. 2. Eleg. 1.

*Casta placent superis.*

Neq; aliter Porphyrius οὐδὲ ἀποχῆς l. 2. τοῖαι μόνιον μάλλον πέρι τὸ τῶν θυσίων ἡδονή,  
ἢ πέρι τὸ τῶν θυμένων πλῆθος βλέπει.  
Magnifice etiam & pie Minucius in octavio  
Deus, inquit, in nostra dedicandus est mente,  
in imo consecrandus pectore. Litabilis hostia bonus  
animus, pura mens & sincera conscientia. Qui inno-  
centiam colit, Deo supplicat; qui justitiam, Deo  
libat; qui fraudibus abstinet, propitiat Deum;  
qui hominem periculo surripit, optimam victimam  
Deo cedit. Plinii hoc est Panegyr. c. 3.  
Animadverto etiam Deos ipsos, non tam accum-  
atis adorantium precibus, quam innocentia &  
sanctitate letari. Plura hujus generis di-  
cta passim apud Ethnicos scriptores legun-  
tur, ex quibus manifestum est, persuasissi-  
mum ipsis fuisse sanctos, quantum quidem  
humana infirmitas patitur, ac illibatos exi-  
stere eos debere, qui cum successu Diis fa-  
cere meditabantur. Hinc non est miran-  
dum voluisse eos, quoties sacris operaban-

tur, eos à se separare atque à sacrís sejunge-re, quos criminis alicujus infamia coinqui-naverat. Nam præterquam quod vereban-tur merito ne ad ipsos velut contagione contactuque malum serperet, quemadmo-dum solet *malus sèpius simplici ac innocentia labem affricare*, teste Seneca. Et secundum Ju-venal.

- - - *Dedit hæc contagio labem,*  
*Et dabit in plures sicut, grex totus in agris,*  
*Unius scabie cadit & porriginè porci.*

Tralaticium quoque illud est τοιχτρός εστιν  
 έκαστος, οἰσπερ ἡδεῖας ξύνων. Etiam id jure  
 subvereri poterant, ne ob quorundam insi-  
 gnitam malitiam, sperato pietatis suæ fru-  
 ctu exciderent. Nimirum ut est apud He-  
 siod. op. & D. c. i. v. 138 πόλλα καὶ ζύμπασα  
 πόλις κακὸς αὐθρός ἐπαυρεῖ, ὃς τις αλιτράνει  
 Καγάθαλα μηχανᾶται, videndus Grotius l. 2.  
 c. 21, §. 2. de J.B. & P. qui more suo egregie  
 totum hunc locum illustravit. Placuit igitur  
 multis etiam hujusmodi submotione à sa-  
 cris coercionem quandam adversus male-  
 ficos expromere, suæ quoque detestationis  
 ac à talibus flagitiis aversationis testatus  
 quoddam hac ratione quasi exhibitori in-  
 digitamentum atque specimen. Et cum  
 ne in civilibus quidem negotiis facile quis  
 cum probrosis sceleratisque hominibus

com-

commercium agitet; multo hoc minus in  
sacris, quæ peculiarem quandam sanctimo-  
niā exposcunt, sibi concedendum judi-  
carunt; Hinc toties illa apud Poëtas inge-  
minantur:

- - - *Procul o procul este profani*  
Virg. 6. Æneid.

- - - *Gressus removete Profani.*

Claudian. l. i. de raptu proserp. Profanos  
quippe eos appellarunt gentiles, qui pro-  
brorum contaminatorumq; morum con-  
scii sibi erant. Atque ex his, si qui turbæ  
se reliquæ immiscuerint, post divulgato  
facinore ad pœnas suppliciaque raptaban-  
tur. Cujus rei exemplum exstat de adole-  
scentibus quibusdam Acarnanibus apud  
Liv. lib. 31. Perhibetur etiam Numen ali-  
quando, præsentiori vindicta audaculos il-  
los & impuratos, qui ceu *αμύντοι* irrumpre  
ad sacra eorum audebant, punivisse. Cæ-  
citate autem potissimum curiosos mulcta-  
re credebatur, unde manavit illud Tibulli:

*Hunc mibi non oculis sit timuisse meus.*

Lib. i. Eleg. 7. Forte ex Historia sacra quæ  
i. Sam. 6. describitur, deducta desumptaque  
superstitione, ut eruditis quibusdam visum.  
Nam id quidem in universum satis constat,  
qua *κακοληία* multa ex limpidissimis hisce  
fontibꝫ ad feculentos rivulos & male deri-

vata Ethnicorum incilia defluxerint. Ut de universo sacrificiorum inter hos Choragio, de Nudipedaliis & id genus plurimis aliis pridem doctis est observatum. Quod evidentius etiam adhuc intelligetur, si consideremus ex quo fonte & hoc fluxerit, quod à sacris suis hos quoq; protelarunt, qui nocte proxima nuptialis thori amplexibus illigati veneri fuisse credebantur. Hinc Tibullus lib. 2. Eleg. 1.

*Vos quoque procul jubeo (discidite ab aris,) Queis tulit hesterna gaudia nocte venus.*

Ovid. I. 3. Amor. Eleg. 10.

*Annua venerunt cerealis tempora sacri  
Secubat in vacuo sola puella toro.*

His tamen ad sacra ita accessus concedebatur, si aqua se fluviali diligenter proluissent. Quod itidem ex sacris eos fontibus hausisse constare potest. Ex Levit. 15. v. 16. Deut. 23. v. 10. De hac consuetudine capiendus est Persius sat. 2.

*Hæc sancte ut poscas, Tiberino in flumine mergis  
Mane caput bis terg, & noctem flumine purgas.*

Ubi secundum Casaubonum Lubinam & alios per Noctem, nocturnum concubitum intelligit. Neque viri solum aqua lustrari debebant, sed etiam mulieres. Quare apud Suetonium de Atia matre Augusti legimus expergefactam illam, quasi à concubitu

ma-

mariti se purificasse cap. 94. Et de iisdem  
Juvenalis Sat. 6.

*Hibernum fracta glacie descendet in amnem  
Ter matutino Tiberi mergetur & ipsis  
Vorticibus timidum caput abluet - -*

Nec prætereundus locus, qui in eadem sa-  
tyra legitur , quamvis ad superiora per-  
tineat.

*Ille petit veniam, quoties non abstinet uxor,  
Concubitu, sacris, observandisque diebus,  
Magnaq; debetur violato pena cadurco.*

Notat autem Salmasius in Exercitat. Pli-  
nianis solitas mulieres θεσμοφορίας σται a-  
pud Athenienses per totos sacrorum dies  
stramentis quibusdam in templo incuba-  
re, quæ ut plurimum iis herbis ac foliis far-  
ta fuere quæ castitati conducere existimam-  
tur. Stramentorum vero hoc genus cadurcus  
à Juvenale præsenti loco vocatur , qua de-  
re consulendi commentatores. Sed nec  
hi tantum qui talibus sese somniis impura-  
se videbantur ablui prius aqua pura nece-  
sum sibi judicarunt ; verum etiam, qui qua-  
libuscunque somniis importunis aliisque  
scævis ominibus terrebantur ac sortis  
quandam in deterius euntis μεταβολὴν for-  
midabant, hujusmodi proluendi se con-  
suetudinem ad se pertinere duxere, si rite  
sacris interesse ac denunciatum fulmen de-  
cli-

clinare discuperent. Huc spectat Annæ illud apud Silium Italicum l. 8.

*Namque asper somno dirus me impleverat  
horror,*

*Terq; suam Dido, ter cum clamore vocarat.  
Et læta exultans ostenderat omnia Sichæus,  
Quæ dum abigo menti & sub lucem ut visa  
secundent,*

*Oro Cælicolas, ac vivo purgor in amni.*

Itemque Æneæ apud Maronem l. 8.

*- - - Mox æneam somnusq; reliquit,  
Surgit & aetherii spectans orientia solis  
Lumina, rite cavis undam de flumine  
palmis*

*Sustulit, ac tales effudit ad aethera voces.*

Addatur Propertius l. 5. Eleg. 8. & l. 4. Eleg. 4. Quod si qui religiosiores paullo haberi vellent, ii ad probationes hasce molam falsam addebant, ut constare potest ex Plauti Amphitruone Act. 2. Sc. 2. *Recte dicit,* *ut commemoravit, somnium narrat tibi. Sed mulier, postquam experrecta es, prodigali Jovi, aut mola falsa hodie aut thure comprecatum oportuit.* Confer. Martial. l. 7. Epigram. 53. Fuisse autem hanc lotionem signum innocentis animi, qui nullius rei improbe patratæ sibi conscius esset, cum infinita scriptorum testimonia evincunt, tum luceulento suffragio comprobat illa Pilati, post

capitale supplicium Sospitatori denunciatum, ablutio, de qua Matth. 27. 24. Neque est ut hic originem exaudiamus, qui hac in re judaicos ritus imitatum statuit. Rectoris enim notæ sunt quæ Merillus ~~notis~~ ad Passionis historiam observat, vix probabile esse, Pilatum hominem Romanum mores Judæorum sequi voluisse. Quod quidem hac in re parum necessarium erat, cum domesticis exemplis abundabat Nam & ipsi Romani, non tantum ad avertendam somniorum scævitatem; verum etiam ad expiandam cædem sive factam sive consensu approbatam prolationibus sæpiissime utebantur: Quæ res ad affinem valde observationem nos ultro dederunt. Quippe & illi qui bellis, quæ raro sine sanguine & cæde constant, diutius adsueverant, impuri judicabantur, atque adeo à sacris removebantur, usque quo lymphis se bona fide perpurgassent. Quam ob causam Æneas apud Virg. l. 2. Troja discedens sacra attrectare prius noluit quam flumine vivo corpus lustrasset, eoque patrem precabatur, is ceu mundior sacros humeris sublatos penates secum efferret: audiamus ipsum:

*Tu genitor cape sacra manu patriosq; penates,  
Me Bello è tanto digressum ac cæde recenti  
Attrectare nefas, donec me flumine vivo  
Abluero*

Mirum hoc videri poterat præcipue in bello pio justoque. Sed tamen & hic sæva aliqua cruentaque sæpe intervenire, res ipsa satis testatur. Hinc de Davide in sacris literis legimus, denegatam ipsi facultatem Deo templum exstruendi, quod manus ipsius multo sanguine, et si pio justoque duello effuso, manarunt. Quod mirari parum subit, si perpendamus tanti apud universi hujus Architectum æstimari sanctissimum hoc animal, plenum rationis ac consilii, quem hominem vocamus, ut etiam ab iis olim, qui sine culpa aliquem interfecerint expiationem exegerit. Atque cum Græci veteres idem secuti fuerint, credibile est eos morem illum ex hebræa gente, quem admodum alia multa, fuisse mutuatos. Inde apud Græcos quosque, qui Christianismum profitebantur, diu canon observatus est, quo sacris ad tempus arcebantur, qui hostem qualicunque bello interfecissent vid. Grot. J. B. B. 2. 24. 10. Neque hic præter eundum est Græcos quoque illos excommunicasse, qui alio modo vel loco mysteria seu cultus Divinos exercuerunt, quem admodum patet ex Alcibiade, quod, quando infamia aspergebatur illum in Domo sua facere mysteria, excommunicabatur. Hi namque ritus, qui nocte in honorem Cereris & Bacchi

chi peragebantur, à magistra tu & tota civitate, ut publice agerentur, instituti erant ac simul vetitum ne quis privatus eos noctu perageret domi suæ. Apud Druidas inter præcipua pœnarum genera suspensio nem à sacris fuisse testatur Cæsar 6. lib. Bell. Gallici.

## Thes. 10.

Hæc hactenus sufficere possunt ad ostendendum ritus hujus, frequentem cum intra, tum extra Ecclesiæ pomœria, usurpatiōnem. Quibus equidem adtexi variæ huc pertinentes quæstiones possent, ni ea res, eam, quam necessitas nobis imperat, brevitatem, in longius produceret ac dilataret. Quæri quippe solet: An regum sublimis dignitas fulmine hoc casu ullo adflari queat debeatve? Quod tametsi neget Anton. de Dominii l. 6. de pœnit. Ecclesiast. c. 9. inane tantum illud popysma, quo demulcere eos tentat, esse, graviori fundamento nixa docet communis Theologorum orthodoxæ veritatis adfirmatio vid. Danhaveri Hadosoph. Phœn. 2. p. m. 163. Venire & hoc in quæstionem consuevit, possit ne integer aliquis cætus, seu, ut planius dicam, tota aliqua Ecclesia anathematis fulmine feriri? Qua in re, qui negationem tueruntur, probabiliorib⁹ argumentis & firmiori-

bus nervis niti videntur. Raro enim eo usque malitia inolevit, ut, si major ac aliquanto numerosior cætus extiterit, de omnibus plane conclamata res existimari queat. Quo accedit Divina illa cautio ne cum zizania triticum imprudenter extirpetur. Atque hanc eandem moderationem sequi sueverunt, qui in civilibus, delictis pœnas sanciunt. Numerosa enim supplicia, cladi sunt similiora, quam medicinæ, docente Tacito Ann. 49. 3. Verum enim vero cum à præstantibus Theologis accuratius hæ quæstiones pertractari soleant, nobisq; ritus tantum imaginem adumbrare & ex veterum scriptorum monumentis pauca colligere constitutum fuerit, vela hic contrahimus. Concedat autem nobis Deus Optim. Max. ita vitam hic transigamus, ne unquam cælesti illud

*πολίτευμα clausum nobis*

*deprehendamus,*

*Τενοῖο.*

